

Emotikonoak

Aitor Mendiluze Gonzalez



“Ados!”, “ez dakit ba...”, “bai zera!” edo “kaka zaharra!” esateko, irudiak erabiltzen ditugu.

Marrastu dezagun kopla bakoitzean deskribatzen den emotikonoa: ea asmatzen dugun zein den!

Doinua: Kontu barri bat suzedidu da !! **Kopla handia**



Barrez lehertu eta malkoak sortzen zaizkit **azkenean** bidali duzun txiste txar hori irakurtzen **dudanean**.



Begiak erdi itxiak eta ahoa zuzen, **serio** emotikono honek benetan triste nagoela **dio**.



Irribarrea zabaldu eta bi begiak **irekita** daukadan poza erakusteko emotikono **polita**.



Bi malko ibai bi begietan ahoa zabalik **dela** adierazi nahian bezala hunkituta **nagoela**.



Nire begiak bi bihotz dira konturatu al **zara zu?** Ezin dezaket disimulatu maiteminduta **naukazu**.



Begi batekin keinu bat eta mingaina dauka **kanpoan** argi uzteko ziria sartu dizudala **oraingoan**.



Niretzat ere zerbait goxoa izaten duzu beti **zuk** eta eguna alaitzearren muxu hau bidaltzen **dizut**.



Ahoa beherantz okertu eta gorri-gorri **aurpegia** zerbaitegatik oso haserre nagoela **alegia**.